



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lvstgartlein Einer Heiligen Liebe

Boyman, Jakob

Cölln, 1650

Cap. V. Der H. Joseph wird durch eine außführliche Weiß/ vnd Form/ nach allen vorgemelten Titulen/ zu einem Patronen erwöhlet.

urn:nbn:de:hbz:466:1-45647

Könten alle obgesagte Titulen mit bewerten Historien vnd Exempelen/ beträffigee werden: wann sie nit / für ein klein vndericht zu lang fallen würden. Können doch/ bey P. Paulo Barry vnd anderen/ welche dieselbe häufig / bey einander gebracht/gelesen werden.

Das V. Capitel.

Der H. Joseph wird durch eine aufführliche form/vnd weiß/durch alle vorgemelte Titulen zu einem Patronen erwehlet.

O H. Joseph/nit nur deine Würdigkeit; sondern auch mein Nutzbarkeit treibt mich an / dich zu lieben: weil alles / was ich dir zu lieb thue/ mir zu meinem eigenen Nutzen gedeyet : also daß du mir meine Liebwofern ich sie vmbsonst nit gebe / mit deinen wolthaten/abverdienest: angetrieben dan durch deine guthädigkeit/Liebe ich dich/vnd vbergebe mich/ vnd alle meine Nöthen deine Schut/vnd

vnd Schirm; vñ damit ich denselben
desto gewisser von dir verhoffen könn
ne/ mach ich ein vertrag mir dir/want
es dir also gefält/vñnd

Erwehle dich / zu einem allgemei
nen Patronē meines ganzen lebens/
mit dem beding / daß du mir in allen
meinen nöthen beystehest; vñnd ich
hingegen dich liebe/vñnd ehre:verhoffe
dan du werdest fortan seyn:

1. Ein Vorsteher deß Hausß / in
welchem ich wohne (oder/welchem
ich vorstehe) vñnd demselben in allen
nöthen beystehen.

2. Ein Verwalter aller meiner
hab/vñnd guter: damit dieselbe durch
dich/zü Gottes Ehren/meiner See
ligkeit/vñnd deß Nächsten notthurfft
angewendet werden.

3. Ein Arzt/aller meiner franck
heiten/ vñnd alle giftige franckheiten
von mir abwenden: damit ich meinen

Leib zu Gottes / vnd deiner Ehren
gebrauchen könne.

4. Ein Regierer meines gansen
lebens: damit dasselbe nach dem Gött-
lichen willen / durch dich angeordnet
werde.

5. Ein führer / vnd Geleitsman /
auff allen meinen reisen / damit ich
in keine gefahr gerathe.

6. Ein Tröster / in allen ängsten /
bekümmernüssen / vnd widerwertig-
keiten; damit mich dieselbe nit vnder-
trucken.

7. Ein Beschützer / vnd Beschir-
mer meiner keuschheit / damit dieselbe
nit durch einige anfechtung / gelü-
genheit / oder gefahr verlezet werde.

8. Ein vnderweiser / vnd Meister
meines innerlichen vnd eüsserlichen
Gebetts: vnd alle verhindermissen
desselben von mir abwenden.

9. Ein anweiser / vnd ordner mei-

nes innerlichen/ vnd geistlichen lebens; damit dasselben nach der wahren vollkommenheit gerichtet werde.

10. Ein Advocat vnd Fürsprecher meiner sündigen Seelen / bey Christo meinem Richter / deinem Sohn / damit es Gnad erwecken möge.

11. Ein Verthädiger/ vnd verfechter in meinem letzten Sterb-stündlein; damit mich alsdann der Feind/ nit überwältige.

12. Ein Rathsgeber/ vnd Rathhelfer in allen meinen geschäften/ damit ich dieselbe alle zu Gottes Ehren/ vnd meiner Seeligkeit anfangen/ vnd vollende.

Auff gleiche weiß / können andere Titulen vnd ämpteren des H. Josephs/ nach eines jeden andacht/ vnd gelegenheit alhie eingeführt werden;

Die Eheleuth können Ihnen erwählen

wählen

wehlen zum Patronen Ihrer Haushaltung/erziehung der Kinder/ıc.

Die Handwerker zum Patronen/ ihrer Handarbeit/zu welcher er Christum angeführet.

Die Studenten zum Patronen ihrer wissenschaft/ vnnnd gelehrtheit. Vnd also andere.

Schliesse endlich diesen dein vertrag mit Ihm vnd sprich:

Zu diesem allem/ erwehle ich dich D. H. Joseph deines bestands aller dings der bedürffrigste / verspreche meines theils/nur ein einziges/nemlich meine Liebe.

Diesen Vertrag kanstu etwa mit Ihm nach der H. Communion auffrichten/wann es dir am besten gelegen: vnd darnach etlich mahl im Jahr / oder alle Monat ein mahl/oder wohl alle wochen an dem tag erwecken/welchen du ihm zugeeignet hast.